

卷六十三

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷六十三
 內容分類 集-總集-各代-唐
 索書號 集部-總集-35
 編號 D7841100

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本文影像資料庫 索書號: 集部-總集-35](#)

[漢籍善本文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暝皎月澄輕素
 恍恍琴書閣軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪
 蕭來儀玄鶴紛成列去茲鄭衛聲雅音方可悅

三

新寧高棟編

山鬼迷春竹。湘娥倚暮花。湖南清絕地。萬古一長嗟。

唐詩品彙六十二卷

唐詩品彙六十三

羽翼

王湾

次北固山下。河岳英靈集作江南

客路青山外。行舟綠水前。潮平兩岸闊。風正一帆懸。

海日生殘夜。江春入舊年。張璠云詩人以來少有此

示能文令鄉書何處達。歸鴈洛陽邊。

盧象

雜詩

家。居。五。原。上。征。戰。是。平。生。獨。負。山。西。勇。誰。當。塞。上。名。
死。生。遼。海。戰。兩。雪。薊。門。行。諸。將。封。侯。盡。論。功。獨。不。成。



春

8

唐詩品彙卷六十三

劉涓溪云十字總有沉着之意。○方虛谷云感慨有餘，但五原山西逾海，蘄門四處相遙遠，詩寓意言辛苦，以譏夫偶然而成名者，未必皆辛苦也。

峽中作

高堂幾百里，樹色接陽臺。晚見江山霽，宵聞風雨來。雲從三峽起，天向數峯開。靈境信難見，輕舟那可回。

崔灝

長門怨

君王寵初歇，棄妾長門宮。紫殿蒼苔滿，高樓明月空。夜愁生枕席，春意罷簾櫳。泣盡無人問，容華落鏡中。

贈梁州張都督

聞君為漢將，虜騎不南侵。出塞清沙漠，還家拜羽林。

君節苦歲月，主恩深。為語西河使，知予報國心。

送單于裴都護赴西河

征馬去翩翩，城秋月正圓。單于莫近塞，都護欲臨邊。漢驛通烟火，胡沙乏井泉。功成須獻捷，未必去經年。

寄盧象

客從巴水度，傳尔泝行舟。是日風波霽，高唐雨半收。青山滿蜀道，綠水向荊州。不作書相問，誰能慰別愁。

題潼關樓

客行逢雨霽，歇馬上津樓。山勢雄三戶，關門扼九州。川從陝路去，河遶華陰流。向晚登臨處，風烟萬里愁。

題沈隱侯八詠樓



梁日東陽守為樓望越中綠窓明月在青史故人空
江靜聞山狎川長數鴈鴻登臨白雲晚流恨此遺風
晚入汴水

昨晚南行楚今朝北汴河客愁能幾日鄉路漸無多
晴景搖津樹春風起棹歌長淮亦已盡寧復畏潮波

祖詠

江南旅情

楚山不可極歸路但蕭條海色晴看雨江聲夜聽潮
劍留南斗近書寄北風遙為報空潭橘無媒寄洛橋

泊揚子岸

纒入維揚郡鄉關此路遙林藏初霽雨風退欲歸潮

江火明沙坼雲帆礙浦橋客衣今日薄寒氣近來饒

泗上馮使君南樓作

井邑連淮泗南樓向晚過望灘沙鷺起尋岸浴僮歌
近海雲偏出兼秋雨更多明晨擬回棹歸思恨風波

留別盧象

朝來已握手宿別更傷心灞水行人渡商山驛路深
故情君且足謫宦我難任直道皆如此誰能淚滿襟

題韓少府水亭

梅福幽棲處佳期不忘還鳥啼當戶竹花繞傍池山
水氣侵堦冷藤陰覆座閑寧知武陵趣宛在市朝間

蘇氏別業

別業居幽處。到來生隱心。南山當戶牖。澧水映園林。
竹覆經冬雪。庭昏未夕陰。寥寥人境外。閑坐聽春禽。

宿陳留李少府宅

相知有叔卿。訟簡夜彌清。旅泊倦愁卧。空堂聞曙更。
風簾搖燭影。秋雨帶虫聲。歸思那堪說。悠悠恨洛城。

扈從御宿池

君王既巡狩。輦路入秦京。遠樹依捨壘。孤山入幔城。
寒疎清禁漏。夜警羽林兵。誰念迷方客。長懷魏闕情。

儲光羲

漢陽即事

楚國千里遠。孰知方寸違。春遊歡有客。夕寢賦無衣。

江水帶冰綠。桃花隨雨飛。九歌有深意。捐佩乃言歸。

詩云豈曰無衣與子同休儲時以祿山偽官而貶故未旬復有捐佩之語

臨江亭

古木嘯寒禽。層城帶夕陰。梁園多綠樹。楚岫盡楓林。
山際豈為險。江流長自深。平生何以恨。天地本無心。

渭橋

停車渭橋暮。望望入秦京。不見鷓鴣道。如聞歌吹聲。
鄉覓涉江水。客路指蒲城。獨有故樓月。今來亭上明。

寒夜江口泊舟

寒潮信未起。出浦纜孤舟。一夜苦風浪。自然增旅愁。
吳山逢海月。楚火照江流。欲有知音者。異鄉難可求。

死水至龍興院作

朝遊天苑外。忽見法筵開。山勢當空出。雲陰滿地來。
疎鐘清月殿。幽梵靜花臺。日暮香林下。飄飄仙步迴。

題虬上人房

禪宮分兩地。傳子一為心。入道無來去。清言見古今。
江寒池水綠。山暝竹園深。別有中天月。遙遙散夕陰。

詠山泉

山中有流水。借問不知名。映地為天色。飛空作雨聲。
轉來深潤滿。分出小池平。恬澹無人見。年年長自清。

李頎

望秦川

秦川朝望迥。日出正東峯。遠近山河淨。逶迤城闕重。
秋聲萬戶竹。寒色五陵松。客有歸歎。嘆淒其霜露濃。

宴陳十六樓

樓枕金谷

西樓對金谷。此地古人心。白日落庭內。黃花生澗陰。
四隣見疎木。萬井度寒砧。石上題詩處。千年留至今。

晚歸東園

荆扉帶郊郭。稼穡滿東菑。倚杖寒山暮。鳴梭秋葉時。
田雲覆陰谷。返景照霜梨。澹泊真吾事。清風別自茲。

送錢子入京

夜夢還京北。鄉心恨搗衣。朝逢入秦使。走馬喚君歸。
驛路清霜下。關門黃葉稀。還家應信宿。看子速如飛。

送人尉閩中

可嘆芳菲日。分為萬里情。閩門折垂柳。御苑聽殘鶯。
海戍通閩邑。江航過楚城。客心君莫問。春草是王程。

送盧逸人

洛陽為此別。携手更何時。不復人間見。祇應海上期。
清溪入雲木。白首臥茅茨。共惜盧敖去。天邊望所思。

送竇參軍

城南送歸客。舉酒對林壑。喧鳥迎風轉。春衣度雨寒。
桃花開翠幙。柳色拂金鞍。公子何時至。無令芳草闌。

送人歸沔南

梅花今正發。失路復何如。舊國雲山在。新年風景餘。

春饒漢陽麩。日寄五陵書。可即明時老。臨川莫羨魚。

綦毋潛

題靈隱寺山頂院

招提此山頂。下界不相聞。塔影挂清漢。鐘聲和白雲。
觀空靜室掩。行道衆香焚。且駐西來駕。人天日未曛。

宿龍興寺

香剎夜忘歸。松清古殿扉。燈明方丈室。珠繫比丘衣。
白日傳心淨。青蓮喻法微。天花落不盡。處處鳥嚙飛。

若耶溪逢孔九

相逢此溪曲。勝託在烟霞。潭影竹間動。岩陰筵外斜。
人言上皇代。犬吠五陵家。借問淹留日。春風滿若耶。

題沈東美負外山池

仙郎偏好道鑿沼象瀛洲魚樂隨情性行舟任去留
秦人辨鷄犬堯日識巢由歸客衙門外仍憐返景幽

送韋處士第

長安渭橋路行客別時心獻賦溫泉畢無媒魏闕深
黃鸞啼就馬白日暗歸林三十名未立君還惜寸陰

王昌齡

胡笳曲

城南虜已合一夜幾重圍自有金笳引能令出塞飛
聽臨關月普清入海風微三秦高樓曉胡人掩淚歸
和振上人秋夜懷士會

白露傷草木山風吹夜寒遙林夢親友高興發雲端
郭外秋聲急城邊月色殘瑤琴多遠思更為客中彈

客廣陵

樓頭廣陵近九月在南徐秋色明海縣寒烟生里閭
夜帆歸楚客昨日度江書為問易名叟垂綸不見魚

駕幸河東

聖德超千古皇風扇九圍天回萬象出駕動六龍飛
淑氣來黃道祥雲覆紫微太平多扈從文物有光輝

又

晉水千廬合汾橋萬國從開唐天業盛入沛聖恩濃
下輦回三象題碑任六龍睿明懸日月千載此時逢



少年行

走馬遠相尋。西樓下夕陰。結交期一劍。留意贈千金。
高閣歌聲遠。重門柳色深。夜閑須盡飲。莫負百年心。

塞上曲

邊頭何慘慘。已葬霍將軍。部曲皆相吊。燕南代北聞。
功勳多被黜。兵馬亦尋分。更遣黃頭戍。唯當哭塞雲。

張謂

送裴侍御歸上都

楚地勞行役。秦城罷鼓鼙。舟移洞庭岸。路入武陵溪。
江月隨人影。山花趁馬蹄。離魂將別裏。先已到關西。

送青龍一公

事佛輕金印。勤王度玉關。不知從樹下。還肯到人間。
楚水青蓮淨。吳門白日閑。聖朝須助理。絕莫愛東山。

寄李侍御

柱下聞周史。書中慰越吟。近看三歲字。遙見百年心。
價以吹噓長。恩從顧盼深。不栽桃李樹。何日得成陰。

寄崔澧州

共襍臺郎被。俱褰郡守帷。罰金殊往日。鳴玉幸同時。
五馬來何晚。雙魚贈已遲。江頭望鄉月。無夜不相思。

郡南亭子宴

亭子春城外。朱門向綠林。柳枝經雨重。松色帶烟深。
漉酒迎山客。穿池集水禽。白雲常在眼。聊足慰人心。

同王徵君洞中有懷此詩又見嚴維集

八月洞庭秋。瀟湘水北流。還家萬里夢。為客五更愁。
不用開書帙。偏宜上酒樓。故人京洛滿。何日復同遊。

揚州雨中張十七宅觀妓

夜色帶寒烟。燈花拂更燠。殘粧添石黛。艷舞落金鈿。
掩笑須欹扇。迎歌乍弄絃。不知巫峽雨。何事海西邊。

賈至

長門怨

獨坐思千里。春庭曉景長。鶯喧翡翠幙。柳暗鬱金堂。
舞蝶繁愁緒。繁花在對靚粧。深情託瑤瑟。絃斷不成章。

銅雀臺

日暮銅臺靜。西陵鳥雀歸。撫絃心斷絕。聽管淚霏微。
靈几臨朝奠。空床卷夜衣。蒼蒼川上月。應照妾魂飛。

侍宴曲

雲陛褰珠扆。天墀覆綠楊。隔簾粧隱映。向席舞低昂。
鳴珮長廊靜。開水廣殿涼。歡餘劍履散。同輦入昭陽。

對酒曲

梅發柳依依。黃鸝歷歷飛。當歌憐酒色。對酒惜芳菲。
曲水浮花氣。流風散舞衣。通宵留暮雨。上客莫言歸。

南州有贈首二

極浦三春草。高樓萬里心。楚山晴霽碧。湘水暮流深。
忽與朝中舊。同為澤畔吟。停杯試北望。還欲淚霑襟。



越井人南去。湘川水北流。江邊數杯酒。海內一孤舟。
嶺嶠同仙客。京華即舊遊。春心將別恨。萬里共悠悠。

崔署

途中曉發

曉。霽。長。風。裏。芳。歌。赴。遠。期。雲。輕。歸。海。疾。月。滿。下。山。遲。
旅。望。因。高。盡。鄉。心。遇。物。悲。故。林。遙。不。見。况。在。落。花。時。

緱山廟

遺廟宿陰陰。孤峰映綠林。步隨仙路遠。意入道門深。
澗水流年月。山雲變古今。祇聞風竹裏。猶有鳳笙音。

同諸公謁啓母祠

碧。凌。紫。微。芳。草。閉。閑。扉。帝。子。復。何。在。王。孫。遊。不。歸。
春風鳴玉佩。暮雨拂靈衣。豈但湘江口。能令懷二妃。

常建

破山寺後禪院

清。晨。入。古。寺。初。日。照。高。林。曲。徑。通。幽。處。禪。房。花。木。深。
山。光。悅。鳥。性。潭。影。空。人。心。萬。籟。此。俱。寂。惟。聞。鐘。磬。音。

泊舟盱眙

泊。舟。淮。水。次。霜。降。夕。流。清。夜。久。潮。侵。岸。天。寒。月。近。城。
平。沙。依。雁。宿。候。館。聽。鷄。鳴。鄉。國。雲。霄。外。誰。堪。羈。旅。情。

江行

平。湖。四。無。際。此。夜。泛。孤。舟。明。月。異。方。意。吳。歌。含。客。愁。

鄉園碧雲外兄弟綠江頭萬里無歸信傷心看斗牛
裴迪

過感配寺曇興上人山院

不遠灞陵邊安居向十年入門窅竹逕留客聽山泉
鳥轉深林裏心閑落照前浮名竟何益從此願栖禪

夏日過青龍寺謁操禪師

安禪一室內左右竹亭幽有法知不染無言誰敢酬
鳥飛爭向夕蟬噪已先秋煩暑自茲退清涼何處求

張子容

雲陽驛陪崔使君邵道士夜宴

一尉東南遠誰知此夜歡諸侯傾皂蓋仙客整黃冠

染翰燈花滿飛腸雲氣寒欣承國士遇更借美人看

除夜樂城逢孟浩然

遠客襄陽郡來過海畔家樽開柏葉酒燈發九枝花
妙曲逢盧女高才得孟嘉東山行樂意非是競繁華

寇坦

同皇甫兵曹天宮寺浴室新成招友人賞會

溫室歡初就蘭交托勝因共聽無漏法兼濯有為塵
水潔三空性香霑四大身清心多善友頌息憊同人

鄭德玄

晚至鄉亭

長亭日已暮。駐馬暫盤桓。山川杳不極。徒侶默相看。
雲夕荆臺暗。風秋郢路寒。客心一如此。誰復采芳蘭。

蔡希寂

陝中作

西別秦關近。東行陝服長。川原餘讓畔。歌吹憶遺棠。
河水流城下。山雲起路傍。更憐栖泊處。池館繞林篁。

薛據

題丹陽陶司馬廳

高鑿清洞徹。儒風人進難。詔書增寵命。才子益能官。
門帶山光晚。城臨江水寒。唯余好文客。時得詠幽蘭。

閻防

與宋樂諸公泛黃河作

烟深載酒入。但覺暮川虛。映水見山火。鳴榔聞夜漁。
愛茲山水趣。忽與世人疎。無暇燃官燭。中流有望舒。

殷遙

友人山亭

故人從薄宦。往往涉清溪。鑿牖對山月。褰裳拂澗霓。
遊魚逆水上。宿鳥向風栖。一見桃花發。能令秦漢迷。

丁仙芝

剡溪館聞笛

夜久聞羌笛。寥寥虛客堂。山空響不散。溪靜曲宜長。
草木生邊氣。城池泛夕涼。虛然異風出。髣髴宿平陽。

所圖

渡揚子江

桂楫中流望空波兩畔明林開揚子驛山出潤州城
海盡邊陰靜江寒朔吹生更聞楓葉下浙瀝度秋聲

長寧公主舊山池

平陽舊池館寂寞使人愁座卷玩黃篔簹簫笛白玉鈎
庭閑花自落門閉水空流追想吹簫處應隨仙騎遊

張巡

聞笛此篇守睢陽而作也睢陽忠節之士其表見於世者非以文墨而詩可見者使人誦之加敬

岩堯試一臨虜騎附城陰不辨風塵色安知天地心
門開邊月近戰者陣雲深旦夕更樓上遙聞橫笛音

張均一首

岳陽晚景

晚景寒鴉集秋風旅鴈歸水光浮日出霞彩映江飛
洲白蘆花吐園紅柿葉稀長沙卑濕地九月未成衣

韋迢一首

早發湘潭寄杜員外院長

北風昨夜雨江上早來涼楚岫千峯翠湘潭一葉黃
故人湖外客白首尚為郎相憶無南鴈何時有報章

顏真卿

登平望橋下作

登橋試長望望極與天平際海蕪葭色終朝鳥鴈聲

近山全髣髴遠水忽微明去覽諸公作知高題柱名

李煜一首

和戶部楊員外伯成寓直

按常紹傳有戶部郎中楊伯成

落日彌綸地公才盡省郎詞驚起草筆坐引護衣香
雙闕天河近千門夕漏長遙知臺上宿不獨有文強

丘為一首

尋廬山崔徵君

日高鷄犬靜門掩向寒塘夜竹深茆宇秋庭冷石牀
住山年已遠服藥壽偏長虛弃浮生者相逢益自傷

張軫一首

舟行自發

夜帆時未發同侶暗相催山曉月初下江鳴潮自來
稍分揚子岸不辨越王臺自客水鄉裏舟行知幾迴

徐勣

同蔡忠五亭詠

獨奏簫韶罷雲泉別業歸拂琴鋪野席牽柳挂朝衣
翡翠巢書幌鴛鴦立釣磯幽栖可憐處春事滿林扉

閻丘曉

夜渡佳

舟人自相報落日下芳潭夜火連河市春風滿客帆
水窮滄海路盡小山南且喜鄉園近無言意未甘



唐詩品彙六十三



